

اتقوا الله في النساء

أحمد الأهواني



اتقوا الله في النساء

أحمد الأهواني

نشر موسوعة اعرف دينك

للعلوم الشرعية



مُقَلَّمَةٌ

الحمد لله رب العالمين والصلاة والسلام على النبي الكريم وبعد..
هذه سلسلة من سلاسل الشيخ أحمد الأهواني الطيبة لتصحيح مفاهيم الزواج بعنوان
(اتقوا الله في النساء) قامت الموسوعة بجمعها وتنسيقها وعمل غلافه وخلافه لتكون
في متناول من يريد بالتحميل المباشر من جهة، ومن جهة أخرى لحفظها من الضياع
لسبب من الأسباب..

يقول الشيخ:

❦ قال النبي ﷺ: (اتَّقُوا اللَّهَ فِي النِّسَاءِ؛ فَإِنَّكُمْ أَخَذْتُمُوهُنَّ بِأَمَانِ اللَّهِ، وَاسْتَحْلَلْتُمْ فُرُوجَهُنَّ
بِكَلِمَةِ اللَّهِ)

بالرغم من تشديده ﷺ في الأمر إلا أن بعض الرجال أبوا إلا الظلم 😞
وعلشان نتعلم ومنقش في الظلم محتاجين نفهم علشان الأمر دين 🙏
وأضفاف: 🙏 اسأل الله تعالى أن يجعل كل حرف كتبه في ميزان الحسنات.. كما
اسأله سبحانه مغفرة الخطايا والزلات 🌸...

والموسوعة تسأل الله تعالى أن يتقبلها خالصة لوجهه الكريم ولا يجعل للشيطان فيها
حظاً ولا نصيب أنه ولي ذلك والقادر عليه

موسوعة اعرف دينك للعلوم الشرعية





١- بيت العنكبوت 🕸️

👉 ليست مصادفةً أن يُحدثك رب العالمين عن أوهن البيوت ويصفه بهذا البيت (بيت العنكبوت)

فتذهب أنت وغيرك لمقارنة خيوطه بباقي الخيوط لتكتشف أن العلماء يحدثونك عن دقة خيوطه ومتانتها مقارنة بباقي الخيوط الأخرى
فهل ذكر لك الله (خيط عنكبوت أم ذكر لك بيته؟ 🤔)
قال تعالى: {مَثَلُ الَّذِينَ اتَّخَذُوا مِنْ دُونِ اللَّهِ أَوْلِيَاءَ كَمَثَلِ الْعَنْكَبُوتِ اتَّخَذَتْ بِئْتًا قَاعًا وَإِنَّ أَوْهَنَ الْبُيُوتِ لَبِئْتٌ إِنَّ الْعَنْكَبُوتَ لَوَ كَانُوا يَCْلَمُونَ} [سُورَةُ الْعَنْكَبُوتِ: ٤١]

#ركز معي جيداً 🧐

ذَكَرَ العنكبوت بعد أن يقوم بتلقيح الأنثى تقوم الأنثى بافتراسه وتتغذى على لحمه طيلة فترة الحضانة للبيض وبعد أن يفقس البيض تتغذى اليرقات على أضعفها ثم بعد أن يقوى ويشد عود ما تبقى من الصغار تقوم بأكل أمها لأنها أصبحت أضعف الموجودات ثم يلحق الذكر الأنثى ثم تقوم بأكله وهكذا دواليك
هشاشة ووهن بيت العنكبوت كما قال أهل التفسير يأتي من كونه بيتاً لا يصمد لنوائب الدهر كالريح وغيرها (بالرغم من متانة الخيوط)
ولكن هناك بُعد آخر اكتشفه العلماء بعد ذلك وهو طبيعة البيت نفسه
بيت تأكل الأنثى فيه ذَكرها ، وتقوم برعاية أبناءها الذين سيفعلون بها مثلما فعلت بوالدهم (العنكبوت الأب)

#البيت_دا_بيفكركو_بحاجة؟🤔

الأنثى في دين النسوية استقوت على الذكر بالقوانين الوضعية ، ولكنها لم تأكله ولم تضعه تحت طائلتها بدايةً ، بل ضمنت منه إيصالات الأمانة التي ستلتهمه بعدها بها بسهولة

تنتظر أنثى العنكبوت في دين النسوية الفرصة السانحة لاستخدام كل هذا ولكن بعد تلقيحها من الذكر ، فعملية التلقيح مهمة جدًا لأخذ البيت والعيش على قفا العنكبوت الذكر بعد موته معنويًا

👉 في حياة العنكبوت (الحشرة) يتم قتل العنكبوت الذكر قتلاً حقيقياً ، أما أنثى العنكبوت في دين النسوية فهي بحاجة لبقاء ذكرها فالمكتسبات متعلقة بوجوده يعيش بعدها بعيداً عن أولاده الذين ستفرغ الأنثى النسوية بتربيتهم في بيت واهٍ جداً حيث لا رجال فيه ، تحكي لهم عن بشاعة والدهم وسوء معاملته كي تبرر جُرمها الذي أقدمت عليه بعد عملية التلقيح


👉 يكبر الأولاد ويسألون عن الحقيقة ليكتشفوا المأساة التي فعلتها الأم بهم غريزة الولد والبنت في هذا البيت هي التي ستحدث بعد ذلك ، وسيُرد لروح الوالد اعتباره بعد سنوات من موته وهو حي بسوء معاملة وعقوق لهذه الأم 🤔

#الخلاصة :لما تيجي تتزوج ابعدي عن أنثى العنكبوت النسوية خالص ، بل ابتعد عن حياة العناكب كلها وعيش مسلم

أسس بيتاً يكون قوامه (مُسلم ومُسلمة)
النسويات لا يصلحن لك....دعوهم لذكور العناكب الذين ابتعدوا عن دين ربهم علشان تحافظ على حياتك وتحافظ على ذريتك
وابتعد عن الشيخ العنكبوت الذي يريدك أن تعيش حياة. العناكب كما عاش

#ربنا_يطهر_ويقوي_بيوتنا_بالشرع🕌🌸

#طرق_الشياطين_لخراب_بيوت_المسلمين(12)



٢- هترجلك ولكن المرادي بشروط

👉 اتفاجئت بالأخ اللي كان بيعدي عليا يحكي لي المشاكل اللي بتحصل بين بنت أخته وزوجها بيقوللي: (زوجها ياشيخ جايب ناس من البلد وجايين علشان يرجعوها) الموضوع باختصار عبارة عن بنت (يتيمة الأب) تزوجت في بيت عائلة في قرية من قرى الريف ، وبعد زواجها بقليل فوجئت بتصرفات غير طبيعية من حماها وحمااتها وحتى الزوج اللي أمه بتحرضه عليها

اللي كان بيحكي لي هو خالها..(راجل نحسبه على خير من أهل الصلاح) وكان كل ما يحكي لي اللي بيحصل للبنت أتعجب جدًا

منذ ٥ أشهر الزوج تعدى عليها بالضرب المبرح وصار يعاملها اسوأ معاملة ، وخالها بيقوللي إن والده معاه مفتاح شقته في بيت العيلة ممكن يطلع عندها في أي وقت حتى في غياب الزوج بحجة إن دي شقة ابنه ، ولو البنت اعترضت كان الشاب يهددها بالطرد من البيت 😞

في الوقت ده أخوالها متحملوش...راحوا أخذوها من البيت وجت قعدت معاهم ومعاه ابن رضيع ، وكل محاولات الإصلاح باءت بالفشل أمام إصرارهم على طلاقها

👉 الشاب ملقاش حل غير إنه يجمع عدد كبير من بلدهم ويبجوا ياخدوا البنت رحت يومها لقيت ميكروباص كامل جايب والده وأعمامه وناس من بلدهم ومشايخ... (الشاب جمع كل البلد بكل أطيافها لما زهق) 😊

خالها اتصل عليا وقاللي عاوزينك تقعد معانا لو تعرف تيجي...الحقيقة رحت فورًا وقعدت معاهم

وبمجرد ما دخلت أخوالها قالوا للحاضرين اللي مفيش حد منهم يعرفني: (الشيخ أحمد هيحكم بيننا وأي كلام هيقله هننزل فيه على رأيه)

حسيت أهل الشاب كدا متحفظين لإنهم من كثرة محاولاتهم للإصلاح حسوا إن مفيش فايده ، وأخوالها في اليوم ده مبيتكلموش في الصلح...موضوع الصلح دا تم إغلاقه تمامًا

أخوالها في المجلس كله بيتكلموا في طلاق..لدرجة إنهم استقبلوهم في بيت مفيهوش البنت أساسًا

👉 سألت عن الزوج وجه قعد جنبي وبينني وبينه قعدت أدرش معاه في اللي بيحصل..الولد مأنكرش أي حاجة نهائيًا..وأبدى لي إنه ندمان على اللي عمله ، ولما كلمته في ضعف شخصيته وإن الشخصية اللي زي دي مينفعش تكون زوجته معاه في بيت عيلة ولازم يكون قراره من دماغه)

الشاب قاللي: (أنا قررت أطلع من بيت العيلة ده وأفصل بين زوجتي وأهلي نهائيًا) سألته عن تعاملات زوجته معاه فلقيته بيكلمني عن بنت من عصور الصحابة..(مطبعة ومحترمة وبنت ناس).. للأسف استضعفها وجه عليها بس اتفاجئ إن لها أخوال وقفوا في وشه 🙄

قلت للشاب... (خلي أهلك يقعدوا ساكتين خالص ومحدث منهم يتدخل)

طلبت طلب مفاجئ للجميع وقتلتهم (عاوز أقعد مع البنت)

أخوالها كانوا معترضين...وبفضل الله أقنعتهم

رحت معاهم وأخذنا الولد وأحد المشايخ الكبار من بلدته

بالفعل..البنت طلعت وجدتها جت قعدت معانا (ست كبيرة في السن ومنتقبة)واضح إن البيت كله ملتزم

طلبت من الشاب والشيخ اللي معاه ميتكلموش خالص لإنني حسيت إن كلامهم غير مقبول نهائيًا لدى أهل البنت

قعدت في المجلس بجوار أحد أخوالها (اللي كان اتصل عليا)

قعدت أسمع للجدة اللي حضرت كل التفاصيل ومن عادتي التركيز الشديد مع الحضور همست في أذن خالها وقتلته: (خلي بالك من نظرات البنت لزوجها)

البنت تقريبًا بالرغم من كل اللي حصل معاهها كانت قاعده كدا ومن تحت النقاب تبص لزوجها...والزوج نفسه يبص لها ويبتسم إبتسامات خفيفة

كل ده والجدة بتتكلم

قلت لخالها: (بقولك إيه...البنت دي لو اتطلقت تبقوا قضيتوا على حياتها وبهدلتوها في الحياة...تقدر تعوضها إنت وأهلها بالفلوس صحيح..لكن النظرات دي هتعوضوها عنها إزاي؟..البنت لسه بتحب الولد)

خالها هز راسه واتفاجئ بالمشهد فعلاً اللي مكنش هيطهر لنا لولا المواجهة تركت الجدة تحكي لحد ما خلصت وساعتها لسه جاي اتكلم قالتلي: (ياشيخ...مفيش صلح..اللي حصل مع بنتنا مينفعش معاه صلح)

قلت لها: (ياأمي...واضح إنك متعرفينيش...أنا أروح القعدة وأطلع من القعدة بطلاق الزوج وزوجته وأرجع لبيتي بالي مرتاح جداً علشان الطلاق كان هو الحل...سيبيني ألاقى الخيط اللي أطلق بنتكوا بيه..انتي مش هتتحاسبي مكاني ياست الكل) 😊

الحمد لله....(دلوقتي تم تحييد موقف أحد أحوالها وموقف الجدة تماماً)

قلت للبنت: (ياأختي...زوجك بيصلي؟)

قالتلي: (الحقيقة آه)

قلت لها: (بيدخل عليكوا مال حرام؟)

قالتلي: (بصراحة لأ)

قلت لها: (طيب بصي بالله عليكى حاولي تساعديني علشان أطلقك وأنا بالي مرتاح...كل مشكلتك معاه إنه بيسمع كلام أهله وأهله بيمثلوا إيذاء ليكي)

البنت سكنت خالص...وجدتها بدأت تتكلم لما حسنت باللي بعمله وساعتها قلت لها: (ياحاجة..أنا سايبك تتكلمي من ساعة ما قعدنا ومفيش مقاطعة خالص...الله يكرمك هتعملوا إيه في حديث النبي ﷺ ليس منا من حَبَّبَ امرأةً على زوجها)

الحاجة سكنت خالص ساعتها خوفاً من الوقوع تحت هذا النص..وفهمت بعدها إنها ست ملتزمة جداً بالسنن ومش معاندة للشرع

قلت للبنت: (ياأختي...زوجك جاي يصلح كل اللي عمله غلط ، هيجيب ليكي شقة برا بيت العيلة وفهمته إن العلاقة بينك وبين أهله مش ملزمة للطرفين ...هل فيه عندك نية للرجوع؟)

(البنت متكلمتش خالص

أهلها بدأوا يسألوها نفس السؤال وهي مفيش منها أي إجابة... (مبتكلمش خالص)
قلتلهم: (مينفعش أساساً نقول لأ... النبي ﷺ يقول: أيما امرأة سألت زوجها طلاقاً من
غير بأس فحرام عليها رائحة الجنة)

وأنا نفسي قاعد أحلل في أي بأس من ساعة ما قعدت علشان ضميري يرتاح ومش
لاقي... بدل ما ننصحها كلنا بالرجوع لإن حتى البأس اللي بنتكلم فيه الزوج اعترف
بيه وهيصلحه خلاص

👉 قعدت أحكي للبنت يعني إيه طلاق ، والشيخ اللي كان جاي معاه ساعدني في
ده... يعني إيه هتقعد تربي ابنها لوحدها في غياب الأب ، شرحت لها أبعاد مفارقة
الزوج مع وجود وسائل إصلاح للأوضاع)


البنت طلبت من خالها تقعد معايا في مكان منفصل ، وفي حضور خالها قالتلي: (إنت
شايف إيه ياشيخ؟) قلتلها: (بنصحك ترجعي... واعتبريني بديل لخالك في تنفيذ اللي
الشاب وعد بيه ، ومش هترجعي غير لما يعمل كل اللي وعد بيه متقلقيش)

👉 الحمد لله.. البنت وافقت والشاب مكنش مصدق إن الموضوع تم بالصلح
دا بالعكس... ربنا وفقنا وأصلحنا كل الأطراف على بعض كمان علشان حياتهم مع
الزوج تستقر

#إخواني_الدعاة : اوعوا تسيبوا أي بصيص أمل تقدرُوا تصلحوا البيوت منه وتتجاهلوه
زي ما الطلاق ممكن يكون حل.. كمان ممكن يكون بداية خراب لحياة زوج لما هيبيعد
عن زوجته غالباً حالته هتبقى اسوأ ، ولزوجة هتعاني من صعوبات الحياة ومشاقها
لما هتقف قدام كل دا لوحدها

👉 بيت العيلة ياجماعة خراب ، الإستحقاقية اللي أهل الزوج في الريف بيتعاملوا بيها
مع زوجة ابنهم إستحقاقية هما نفسهم بيحاربوها لو كانت لبنتهم.. فبلاش تضيعوا مستقبل
بناتكم بشئ انتوا مش ملزمين بيه

#تصحيح_مفاهيم_الزواج



٣-اكتشفت مرض زوجها

كنت رايح معاه إمبراح في مشكلة زوجية اتعرّضت لها أخته مع زوجها لما رحلت لقيت نفسي في بيت والده وأخته موجودة هناك وهي اللي طلبتني علشان تستشيرني في حكم طلب الطلاق من زوجها مكنتش قاعده هناك غضبانه ولا شئ ، عايشه مع الزوج عادي بس عاوزة تعرض حياتها وأفعالها على الشرع علشان تشوف هي ماشيه صح وللا غلط

الأخت دي اتزوجت من حوالي ٣ سنوات ، معاهها دلوقتي طفلة (ربنا يحفظها) ، قبلت الزواج من الشاب ده لما عرفت إنه ملتزم وببشتغل مُحفظ قرآن وأهله ناس ملتزمين جداً

قبل الزواج قالولها إنه بيعاني من مرض عصبي (إكتئاب ثنائي القطب) وهي جزاها الله خيراً تقبلت ده وقبلت بالزواج منه

بعد الزواج مباشرة اكتشفت إن الشاب اللي تزوجها مُدمن إباحية 😞 صدمة الأخت وهي قاعده تحكي معايا معاناتها كانت بتعبر عن دهشتها ، وإنها إزاي مكنتش مستوعبة إنها ممكن تختار حد عنده دين ظاهري ثم تكتشف أمراً كهذا المصيبة الأكبر إنها بتقوللي: (مكنتش أعرف حاجة خالص عن الموضوع لإنني آخري موبايل بزرابر إلى الآن ، هو اللي بدأ يعرض عليا الحاجات دي ويكلمني عنها 😞) لما انهارت راحت لوالدته علشان تنهأ عن اللي بيعمله وعاوز يعمله معاها فاتقاجئت بوالدته بتقول لها: (عادي يابنتي ، أنا عارفه كل دا من وهو شاب صغير ، ثم الموضوع خاص بيه انتي مش هتتحاسبي عنه)

الرد بتاع والدته كان هيعمل للبنت فتنة في دينها ، بتقوللي مش مستوعبة إني كنت أسمع التبرير ده من ست كبيرة ظاهرها الإلتزام كل دا كوم وهمته في شغله كوم تاني ، مش بيحب يشتغل ولا عاوز يتحرك من مكانه ، بتقوللي إنها لو أهلها ساعدوها بشئ مادي بتحطه في البيت علشان هو بيكون مقصر غالباً في إحتياجاتنا المادية

وفي النهاية قالتلي: (أنا بصراحة ياشيخ طلبت من أخويا يدخلك تفهمني أعمل إيه ، أنا بقيت أستخير في الطلاق كثير اليومين دول)

سألته عن وضعه دلوقتي وحاله مع ربنا قالتلي: (هو كل فترة يحاول يرجع ، آخر مرة دخل دورة في واعي علشان يخرج من اللي هو فيه ، دلوقتي كل ما أسأله إنت لسه بتعمل ده يزق ويقوللي: (انتي كل شوية تفكريني ؟ أنا خلاص مبقيتش أعمل كدا)
وبعدها بكتشف إنه رجع للإباحية تاني 🙄

أنا بقيت في حيرة ياشيخ ، منين الشرع يطالبني أحسن له التبعّل في الوقت اللي أنا مش طايقاه ولا مستوعة اللي بيعمله

⬅ بعد ما الأخت خلصت كلامها بدأت أتكلم معاها بهدوء شديد بعد ما سألتها عن موقع الزوج في عيلة والده ، وبعض التفاصيل عن حياته ، وقلتها ركزي معايا في الكلام ده 📌

زواجك من الشاب دا وهو عنده مرض نفسي ولم يقم بإخفاء المرض عنك من البداية توضّح إنه موقعش معاك في غش ولا شئ
طبيعة المرض اللي بتتكلمي عنه كمان من أعراضه الدخول في حالات تغير مزاجية ومنها الإكتئاب والعزلة ، وهو دا الوقت اللي الشيطان بيسيطر عليه فيها
الإباحية نوع من أنواع الإدمان زي أي إدمان ، بيحتاج فترة تعافي ، وبيحتاج حد ياخذ بإيده ويطلع منه ، لازم تكوني واخده بالك إنك مشيتي معاه مشوار كويس جدًا في العلاج ربنا يأجرك عليه فبلاش بتضيعي اللي عملتيه
قالتلي: (هو فين المشوار ؟)

قلتها: (المشوار بدأ من ساعة ما طلب منك حاجات تعملها من اللي بيشوفها وانتي رفضتي وأبديتي له بشاعة الموضوع ، بعدها الشاب بدأ يبحث عن التعافي والعلاج من خلال واعي زي ما قلتي ، دخوله في مرحلة العلاج يفهمك إنه ماشي صح ، فيه مراحل أكبر من كدا بكتير لنساء تمادوا مع الأزواج في الحرام)
اتعجبت وقالتلي: (مراحل أكبر من كده ؟)

قلتها: (في زوج جه ليا قبل كدا يطلب مني أتمدخل علشان أرجع له زوجته اللي تركت البيت ، ولما سألتة عن السبب قاللي إنه مدمن إباحية وبقي يخلي زوجته تنفّرج معاه

فبقت تتفرج علشان ترضيه ، بعدها طلب منها تصوير فيلم لها وموقع من مواقع الإباحية قبضوه مبلغ مالي بالفعل ، والزوجة سلعة التنفيذ هربت من البيت)
الأخت صرخت وخطبت على دماغها وقالتلي: (إزاي الكلام دا ياستير يارب)
قلتلها: (دا موقف حصل معايا فعلاً وكنت مستغرب إزاي ممكن نفسه المريضة تسول له إني ممكن أساعد في رجوع زوجته له ثاني بعد المصيبة دي)
الأخت حست إنها في إبتلاء ولما شافت السقف من فوق بدأت تهدأ وتقوللي: (ياشيخ بالله عليك انصحي)

قلتلها: (ياأختي محدش منا معصوم ، وزى ما بقول للشباب ميغتروش بلباس ظاهر للمتدثرات فأنا كمان خايف على الأخوات من أصحاب السمات الظاهر من المتدثرين ، وكل حالة ولها درجات ، بس تمشي في علاج زوجك صح)
سألتني عن حل أمثل لوضعها فقلتلها: (أكبر غلطة إنك كل شوية تستخيري في الطلاق منه ، بتستخيري تقولي إيه؟!...بتقولي اللهم إن كنت تعلم أن طلاقى من زوجي خير لي في ديني ومعاشي؟... 😊...! انتي ملكيش حق ولو ١ % في طلبك دا ياأختي ، ولو كل أخت اكتشفت شئ في زوجها [قابل للعلاج] وطلبت الطلاق الشيطان هيتمكن من البيوت المسلمة)

قالتي طب اديني خطة للعلاج ، أنا بدأت أفهم
قلتلها اعلمي اللي هقولك عليه دلوقتي 📌

1/زيادتك في حسن تبعلك هو دليل قُربك من ربنا سبحانه وتعالى ، ولما هتقربي من ربنا دعائك لزوجك هيكون أكثر إستجابة وربنا هيصالحه ليكي (استعيني بربك في علاج زوجك علشان صلاحه هو صلاح بيتك وذريتك)

2/اوعي تجيبي سيرة الطلاق على لسانك ولا تخليه في خياراتك ، مش معقولة كل ما زوجك يحاول يتوب والشياطين تتقلت من البيت تسمعك ثاني بتفتحي لهم باب الأمل في الطلاق فيرجعوا ثاني للسيطرة عليكوا

3/علاج زوجك هو أكبر ضمانة لحياته مع بنته ، إنتكاسته ممكن تدخله في حالة مش هتأمني على بنتك معاه (زنا المحارم مبيكونش بغير الإباحية)

4/ اوعي تجيبي فلوس من بيت والدك وتحطبيها في البيت ، لما تعرفي إن زوجك بيتواكل على ده متساعديهوش فيتواكل أكثر ، الزنقات هتعلمه يعتمد على نفسه ويحس بالمسئولية

5/ زوجك مريض ، لازم تستوعي ده ، والمرض قد يكون هو الداعي لكل ده ، لازم تستعيني بالله وتأخدي بإيده ومش كل ما يجيله دور إكتئاب تفضلي تنغصي عليه وترعليه ، احتويه هو مش عاوز أكثر من كدا ، احتويه بدل ما الشياطين هي اللي تحتويه

6/ لازم تفهمي إنك بتحسني التبعل (الله).. لو فهمتي دا هتعمليه بنفس راضية وربنا هيرضيكي

7/ انتوا لسه بادئين حياتكوا ، ٣ سنوات مش حاجة ، أساساً أول ٧ سنوات هي مرحلة إنكم بتفهموا طباع بعض ، فاتحملي شوية علشان ربنا يكرمك ويهديه
❖ في النهاية الأخت شكرتني جداً وقالتلي أنا كنت منتظره والله أسمع كلمتين زي دول ، جزاك الله عني خيراً ،

[#تصحيح مفاهيم الزواج](#)



٤- طلبت مني التدخل

👉جه ليا المطحن يبلغني برسالة من زوجته ، مشكلة حدثت بينهما وهي طلبت منه يبلغني إنها عاوزاني أتدخل

سألته: (زوجتك عاوزاني أنا اللي أتدخل ؟)

قاللي: (بتقوللي هو اللي هيعرف يحل المشكلة)

وبالفعل حددت يوم وذهبت معاه ، علشان أعرف إن الزوجة متابعاني ومقتنعة بكل اللي بقوله وعاوزه حياتها تكمل بالشرع

الزوج أخبرني إنهم دخلوا ناس قبل كذا بس مفيش حل ، والزوجة قالتلي أنا عاوزة بس أوصل لزوجي شئ مش عارفه أوصلهوله وقلت إنت الوحيد اللي ممكن تفهم كلامي الزوجة محترمة جداً ربنا يحفظها ، وواضح إنها من بيت متدين (فهمت ده من زوجها اللي حكالي أد إيه حماه وحماته بيكلموه وينصحوه ويفهموه أساسيات التعامل مع الزوجة)

👉الزوجة أول ما اتكلمت قالت: (أنا واحدة عاوزة أعيش مسلمة ، مقتنعة بكل اللي بقرأه لك عن قرارنا في البيت وتربية الأطفال ، بحاول على أد ما أقدر أراعي زوجي وأقوم على خدمته علشان أكون زوجة صالحة ، الفترة اللي فاتت زوجي بدأ ينضغط في شغله بسبب ظروف السوق لأنه شغال في التجارة ، الضغط دا بدأ ينتقل لكل أفراد البيت ، بقى عصبي جداً ، بيتخانق مع العملاء في الموبايل وهو معانا في البيت والأطفال بدأوا يتأثروا ، أنا نفسي لأنه مهموم دايماً والمشاكل دي كلها بقى ينقلها داخل البيت بدأت أتعصب وصوتي أحياناً يعلو عليه غصب عني ...👉حاسه إني مش بطبيعتي خالص)

سألته: (الضغط المادي عامل تأثير على حياتكم ؟)

قالتلي: (ياشيخ أنا واحدة ممكن أعيش مع زوجي على أي وضع ، لا فارق معايا ماديات ولا شئ ، ممكن أدبر شئون البيت بأقل تكلفة وأشيل هم البيت كله من عليه ،

بس هو للأسف بيكلف نفسه فوق طاقته وبيحاول ميقصرش معانا في حاجة ودا من
جُملة ضغوطه)

سألته: (انتي عاوزه مصروف للبيت تشتري بيه طلباتك؟)

قالتلي: (ياشيخ أنا واحدة مش عاوزه أخرج من بيتي أصلاً ، لا عاوزه أشوف شارع ولا
عاوزه أتعامل مع ماركت وناس غريبة ، تعبت من كثرة همومه ودخول شغله اللي برا
البيت جوا البيت)

أخذت الزوج على جنب واتكلمت معاه وقتلته

زوجتك دي عامله إيه معاك؟

قاللي: (والله ياشيخ أنا بقالي ٨ سنوات متزوج مشفتش منها حاجة وحشة ، نعم الزوجة
وأهلها نعم الأهل)

سألته: (في ظل المشكلات دي بتأثر في حقك؟)

قاللي: (لا أبداً ، أنا معترف إن المشكلة عندي بس مش فاهم المشكلة فين) 🙄

طب يعني ياابني مفيش أي حاجة نحط بيها عليها خالص ؟ 😂

قاللي: (لأ خالص 😊)

اتكلمت مع الزوج وقتلته: (واضح إنك اتزوجت وإنك مش فاهم المهام اللي عليك
خالص ، الست ياابني كائن ضعيف جداً ، ربنا سبحانه وتعالى أمر النساء بالقرار في
البيت لأن مفيش ست هتعرف تعمل عمَل الداخل مع عمل الخارج ، صحيح إنت
مبتشغلهاش ولكن إنت في نفس الوقت دخلت مشاكل وهموم شغلك داخل البيت ،
عاوز أسألك سؤال)

قاللي: (اتفضل ياشيخ)

قلته: (إنت طبعاً جيت ليا شغلي وشففتي هناك بعمل إيه ، بشتغل في التجارة زيك
بالضبط ، تفكر جُملة الضغوط اللي عليك زي الضغوط اللي عليا ؟)

قاللي: (لأ طبعاً ، إنت جنب التجارة طوال اليوم عايش في مشكلات الناس)

قلته: (ومع ذلك لما برجع بيتي بالليل تشوفني ولا كإني بادئ اليوم دلوقتي ، لا بدخل
بمشاكل الشغل جوا البيت ، ولا بدخل بمشاكل الناس معايا ، زوجتي لها حق عليا

أدخل طبييعي زي ما أنا ليا حق عليها تستقبلني بابتسامة بالرغم من كل حاجة تسد النفس بتشوفها من العيال في تربيتهم ومشاكلهم طوال اليوم)
قاللي: (بس أنا مبعرفش أفصل زيك كدا ياشيخ)

قلته: (اتعلم ، لازم تتعلم ، زي ما بتطالب زوجتك تنمي مهاراتها معاك في حسن التبعل إنت كمان لازم تنمي مهارتك في الحفاظ على فطرتها تفضل سوية)
قاللي: (طب أعمل إيه ؟ أنا فعلاً اقتنعت إن عندي مشكلة)


قلته: (اعمل التمرين العملي ده ، كل ما ترجع وتحس إنك طالع شقتك مهموم اقف شوية قدام الباب وحاول تضحك نفسك ، اقفل موبايلك لو قدرت علشان محدش يكلمك في حاجة ، ادخل استقبلها بحضن جميل هتلاقها مبسوفة وهتتسيها كل حاجة مرت بيها طوال اليوم ، طبطب عليها عادي مش عيب دي برضو زوجتك 😊، وخلي بالك كويس إنك ممكن توصل لمرحلة تلاقي زوجتك قفلت منك خالص مش هتعرف ترجعها فيها لطبيعتها تاني)

قاللي: (بس أحياناً ممكن معرفش أعمل ده)
قلته: (لما هيكون دا النادر في حياتكوا هتلاقها هي اللي بتطبطب عليك ، نفس الموضوع زي ما تكون زوجتك بتستقبلك كل يوم بابتسامة وتدخل في يوم تلاقها ضاربه بوز ، الحلو الكثير هيغفرلها الهفوات الصغيرة)

👉 في النهاية الزوج استوعب الدرس وأوصيته بأختا اللي نفسي كل بنات المسلمين يتعلموا منها إزاي بتدور وبتبحث عن حد يوصل لزوجها معلومة هي مش عارفه توصلها له علشان البيت يمشي والحياة تستمر

[#ربنا يصلح_أحوالنا_جميعاً 🌸](#)

[#تصحيح_مفاهيم_الزواج](#)



٥- مشكلة في تحديد يوم الزيارة

صديق ليا قاللي إن له صديق عنده مشكلة مع زوجته وعاوز يبجي يقعد معايا وبالفعل...إمبارح جاب صديقه اللي لسه متابعني جديد وقعد يحكي لي شوية حاجات بتحصل بينه وبين زوجته بعد زواج ٣ سنوات ووجود طفلة صغيرة بينهما بيقوللي: (من يوم ما تزوجتها كنت متفق معاها تروح لأهلها يوم في الأسبوع ، وفي كل مرة أقعد أفهمها متحدثش اليوم دا بعينه ، يعني تعرفني قبلها وكل إسبوع نحدد يوم يتناسب معنا ، وكل مرة يحصل ما بيننا مشكلة بسبب الموضوع ده) سألتته: (المشكلة بسبب إنها عاوزة تروح مثلاً يوم الإثنين وإنّ مش مناسب معاك نفس اليوم كل مرة؟) قاللي: (فعلاً..آخر مرة ضربتها واتصلت بوالدها اللي جه بيتنا يزق ومصمم ياخذها معاه وقعد يحلف بالطلاق ياخذها) قلنله: (وانت عملت إيه؟) قاللي: (لقيت بنته مش عاوزة تروح معاه وعلشان والدي يحل المشكلة ويمينه ميقعش قاللي خذ زوجتك تسلم كدا على أمها ورجعها تاني والمشكلة تتحل) ساعتها كل الأطراف اقتنعوا وعملت كدا فعلاً ومحصلش جديد بعدين لقيتها بتعمل مشاكل علشان أنا مش عاوز أكرم والدها وقطعت علاقتي بأهلها ، وبقيت حاسس بسبب إني قاطعتهم إن أمها بقت تحرضها عليا ومبقتش كويسة زي الأول سألتته عن علاقته بيهم زمان قاللي : (علاقتي بيهم كانت زي الفل مفيش أي مشاكل خالص ، الموضوع دا اللي عمل مشكلة ، ولكنها في يوم غلظت وسابت البيت وقعدت عند أهلها كام أسبوع) قلنله: (غضبت وسابت البيت ؟) قاللي: (أيو..واتفاجئت بشيخ من المشايخ داخل يصلح تبع والدها ويبررلي إنها عادي مشيت علشان زعلانة وكدا)

قلته: (طب ورجعت إزاي؟)

قاللي: (مرحتش جبتها خالص ، بعد فترة اتصلت بصديقة لوالدتها تتدخل والست دي هي اللي سعت للصالح ، والحمد لله دلوقتي هي في بيتي بس لسه متغيرة معايا ياشيخ ، أنا متأكد إن والدتها هي اللي بتحرضها عليا ، ولسه كل أسبوع نتخانق في موضوع اليوم اللي بتروح فيه وعدد الساعات ، وآخر حاجة والداها جه زارنا في العيد وكأن الموضوع عادي)

تركت الأخ يحكي كل تفاصيل الموضوع وقاعد أسمع وبس ، غالباً صديقه كان جايه علشان أسمعه إن دي واحدة ناشز وأنصحها يلحق يتزوج زي ما هو نفسه فهم عني في الفترة اللي تابعني فيها ، ولكنه اتفاجئ بيا بقول له: (ياابني إنت زوجتك دي حد كويس جداً وأهلها ناس طيبين ، ليه مش عارف تتعامل معاها مضبوط؟)

الإثنين نظروا ليا نظرة إستغراب كذا ومش مستوعبين اللي بيحصل 😞

قلته: (شوف ياأخي...والداها لما جالك البيت وقعد يتخانق وهي كبرت بيك ومسمعتش كلام والداها بالرغم إنه أقسم...دي حاجة تُحسب لزوجتك وللا تحسب عليها؟)

قاللي: (تُحسب لها طبعاً)

قلته: (بالرغم إنها عملت حاجة تحسب لها إلا إنك برضو لسه مصمم تشتغل عالثغرة اللي الشيطان حطها في دماغك علشان يبوذ العلاقة اللي بينك وبين زوجتك)

قاللي: (ثغرة إيه؟)

قلته: (ثغرة الزيارات ، إنت عامل مشكلة من الفراغ ، بتتكلم في حوار هايف وسامح للشيطان يدخل لحياتك منه)

قاللي: (هو أنا مش حقي زوجتي تستأذن مني ياشيخ؟)

قلته: (حقك طبعاً ، مينفعش تخرج من غير إذنك ، مش إنت اديتها إذن كل أسبوع تروح لأهلها؟)

قاللي: (فعلاً)

قلته: (زوجتك اتعودت على يوم معين ، إنت بقى عملت كل مشكلتك في تحديد اليوم ، اليوم اللي هي أساساً بتكون عامله حسابها تقابل أختها فيه أو مواعده خالتها تقابلها هناك ، بتتفاجئ بيك كل مرة بتلعب في شئ حددته من غير سبب مقنع ، هي بقت

شايفاك متزمت معاها في استخدام الحق ، الموضوع مش مرة واحدة كل فترة بالعكس
دا إنت بتحكي لي إنك بتعمل دا كل أسبوع!... إنت مش شايف إن دا شئ عجيب ؟
قاللي: (بس هو يعني ينفع أبوها يبجي البيت ويعمل اللي عمله دا ياشيخ ؟)
قلته: (ومين اللي فتح الباب لوالدها يعمل كدا وإنت بتقول إن علاقتكم ببعض كانت
فوق الممتازة ؟... وإيه رد فعل زوجتك لما والدها عمل كده ؟... ما هي كبرت بيبك
وممشيتش معاهم بالرغم من يمين والدها)

قاللي: (طب ياشيخ ما هي تركت البيت بعدها ومشيت من غير إذنني)
قلته: (طبعا دا غلط ، ولكنك بتحكي لي إن دخول شيخ منسون في الموضوع هو اللي
برر لها الجريمة دي ، ساعتها ملقيتش حد من أهلها معاك علشان إنت غالباً خسرتهم
كلهم بسبب تزمتك في استخدام الحق ده ، الحق اللي زوجتك مش بتعارضك فيه ،
يعني مش بتعمل مشكلة علشان تروح يومين مثلاً ، دا هي موافقة على يوم واحد ،
يوم واحد بس كل أسبوع ، وبالرغم من ده سَعَت ترجع ودخلت واحدة تصلح بينكما)
الشاب بدأ يضحك ويتعجب ويقوللي: (بس إنت شايف أهلها إيه ؟)
قلته: (شايف أهلها ناس كويسين جداً ومش دول اللي ينفع تخسرهم ، إنت بنفسك
بتقول إنه بالرغم من مقاطعتك لهم والدها جه وزارك في العيد ، لسه برضو بعد زيارته
مقاطعه!... دا إنت عجيب ياأخي والله 🌸)

الشاب بدأ يرتاح للكلام ويضحك هو وصديقي اللي كان معاه
سألت صديقي: (إنت بتعمل كدا مع زوجتك ؟)
قاللي: (لأ خالص)

قلته: (ولا أنا ، ليه أعمل ثغرة في حياتي ملهاش لزمة تتعمل)
قاللي: (طب أنا بخليها تروح من الظهر وترجع على المغرب كل أسبوع)
قلته: (لما هتسييني دلوقتي هترجع لزوجتك وتقول لها: (ياذن الله كل أسبوع هتروحي
لأهلك يوم كذا ، وتسببها ياعم تقضي اليوم كله هناك ، وتروح تاخدها في آخر السهرة
بنفسك وتسلم على حماك وحمااتك ، وياسلام بقي لو سمحتلها بيوم كدا كل شهر تبني
هناك)

قاللي: (تقضي اليوم كله وتنام هناك كمان ؟)

قلته: (أيو...بعد شهرين هتلاقيها جايه لك في نص الليل وهتشك إنك بنتتزوج عليها
...وشوية هتتشغل بالعيال ، وانت بنفسك هتتحايل عليها تروح تهدي نفسها وعلاقتك
بحماتك هتتظبط زي الأول ومش هتحس بأي تحريض عليك ، دا وضع طارئ ياابني
إنت اللي عملته)

الشاب مشي من عندي بوجه غير اللي جه بيه وكان قاعد يضحك لما قلته: (خلي
بالك ، أول ما هتقفل الثغرة دي قصاد الشيطان هيحاول يفتح لك ثغرة تانيه ، مهم جدًا
تتعلم إن دي ثغرة علشان تقدر تحدها وتقف لها ، إنت للأسف لإنك مش على دراية
بثغرات الشيطان قاعد تقفل في حاجات ملهاش تنقفل)

←ياشباب...لما رينا يبرزقوا بزوجات طيبات بلاش نتقنوا في إفسادهم وتعينوا
الشيطان عليهم...عقل الست مش بالذكاء والحرفية في الفهم اللي بنتعاملوا معاهم بيه

[#ورينا يوفقوا ويصلحوا_أهلكوا](#)

[#تصحيح مفاهيم الزواج](#)



٦- ليه عملت في زوجتك كدا ؟

بعد متابعتة للصفحة بشهر زارني في العاشر علشان يحكي لي مشكلته يمكن يلاقي عندي الحل

أول ما بدأ يحكي عن تصرفات زوجته معاه وعصبيتها وصوتها العالي سألتة: (بقالكوا أد إيه متزوجين؟)

قاللي: (تزوجتها من ٧ سنوات ، كان عندي ٢١ سنة وقتها)
طبعًا بعد ٧ سنوات وفي السن ده لازم نفهم إن فيه حاجة غلط
قلتلته: (احكي لي أكثر عن حياتك)

بدأ الشاب يحكي لي عن حياته مع والده ، اللي كان متسلط جدًا وكان بيطرده من البيت هو وإخواته من وهما صغيرين ويحكي لي عن ضربه المبرح لوالدته اللي كانت صابره على أذاه لحد وقتنا الحالي ، ولما بلغ سنه ٢١ سنة قرر يتزوج علشان يهرب من سطوة الأب اللي فوق إن محدش عارف يتعامل معاه فهو كمان كان بخيل جدًا جدًا ومبيصرفش نهائي

قلتلته: (بصراحة...أخذت إيه من والدك؟)

قاللي: (لإني عشت حياة صعبة جدًا ماديًا فأنا كريم جدًا على زوجتي وأولادي الحمد لله ، مش عاوزهم يشوفوا اللي أنا شفته ، ولكن ياشيخ عندي مشكلة الآن مع زوجتي ، بصراحة بضربها لأنفه الأسباب والموضوع ده عملي مشاكل معاه كثير)
سألتة: (أهلها بيعملوا معاك إيه؟)

قاللي: (والدها زمان كان بييجي ياخدها لحد ما ناس زمايله قالوله كدا غلط وكدا المشكلة تكبر فبقت كل ما أعمل مشكلة يقعد ينصحتها بالصبر وينصحنني أنا كمان معاه لدرجة إنه في مرة قاللي ياابني لو مش عاوز تكرم بنتي علشانها اكرمها علشاني دا أنا ياما وقفت جنبك)

سألتة: (هو بيعمل معاك إيه؟)

قاللي: (ساعدني مادياً كثير أوي في بداية زواجي من غير أي مقابل وبصراحة بيعاملني أحسن معاملة حتى في المشكلات)

قلته: (المشكلة الأخيرة كان سببها إيه؟)

قاللي: (أمي كانت زعلانة مني فلما رحت بزواجتي في العيد أمي مرضيتش تطلع لنا ، فزواجتي مش راضيه تروح معايا تاني لها علشان حاسه إنها مش مرغوب فيها هناك)
قلته: (هو علاقة زوجتك بأهلك كويسه؟)

قاللي: (أيوا جداً ، بس البيت عندنا أساساً دايماً فيه مشاكل بسبب والدي والعنف الزائد على أمي)

قلته: (خلصت حكايتك؟)

قاللي: (أيوا)

قلته: (يا أخي تصدق بالله؟...أنا أول مرة في حياتي أشوف واحد غلطان بنسبة ١٠٠% من غير ما أحتاج أرجع للطرف الثاني)

اندهش جداً وقاللي إزاي ياشيخ؟ 😊

قلته: (في الوقت اللي ربنا أكرمك وتزوجت وإننت صغير علشان تهرب من بيتكوا بقيت شایل همّ تطبيط علاقة زوجتك ببيت إنتوا أساساً فيه مش عارفين تتفاهموا مع بعض ، أرهقتها ما بين رضاك ورضا أمك وفك كل التشابكات اللي أكيد بتشوفها من والدك مع والدتك وخليتها عايشه في هاجس إنك أكيد زي أبوك ، ولما بتشوف معاملتك معاها بتشوفك نسخة من والدك في جانب (الضرب) بس مش واخذ منه (البخل).. إنت كنت فاكرها جايه من بيت واحد جعان هتصبر على كل التعديات دي علشان بتكرمها مادياً؟
..👉ليه مشغلنش على نفسك في تربية نفسك قبل الزواج؟)

قاللي: (يعني هي صوتها لما بيكون عالي عليا دا مش غلط؟)

قلته: (لازم تقسم علو صوت زوجتك عليك لسبيين

1/أصل فيها 2/عارض طراً عليها

(هل هي أساساً جايه من بيت والدها بالشكل ده؟)

قاللي: (لا ياشيخ.. دي متربية جداً ، الكلام دا بصراحة بسبب ضربي لها الكثير)

قلته: (طيب آخر مشكلة بينكوا كان سببها إيه؟..وهي سابت بيتك وللا قاعده فيه؟)

قاللي: (حصلت مشكلة بيننا ولما والدها جه قتلها روجي معاه ، ودلوقتي أنا مش راضي أجيبها ، حتى والدها كلمني علشان أدفع للواد فلوس الحضانة وأنا طبعاً رفضت بعد ما قرأت يومية النفقة على الناشز)

قلته: (يعني إنت طردتها من بيتك وطالعه بإذنك ومع ذلك مش عاوز تصرف عليها؟..إنت فهمت من كلامي كده؟)

قاللي: (أمال إيه؟) 😞

قلته: (بقولك إيه ... أنا عاوز أشوف حماك دا وأشكره إنه متحمل منك كل دا والله)



قاللي: (ياشيخ أنا جاي أعرف منك الصبح ، أنا اتصلت بـ ٢ مشايخ كبار قالولي طلقها ، ودي هتكون الطلقة الثالثة))


قلته: (بعد ما حكيته كل التفاصيل دي نصحوك تطلقها؟)

قاللي: (لأ..أنا اتصلت وقلتهم إن زوجتي عصبية وصوتها عالي عليا فقالولي طلقها) قلته: (ياابني زوجتك دي كنز وأهلها مينفعش حد يفرط فيهم وإنت لو مش هتتبط نفسك معاها هيكون موقفك أمام الله عظيم...أنا جاي لحماك أقعد معاه وياريت تبلغه بكده)

وبالفعل... جهزت نفسي إمبراح وكنت رايح فعلاً بس لقيته باعتلي الرسالة دي وكلمني وقاللي إنه كلم حماء وقال له عالي حصل ما بيننا والراجل باعتلي السلام جامد ومش مصدق إنني قدرت أفهمه كل التفاصيل دي بعد ما كان كل مرة يقول له المشايخ نصحوني أطلق بنتك ، وحماه نصحه يفضل معايا ويدخلني في كل مشكلاتهم والله المستعان 🙏

[#انتقوا_الله_في_النساء](#)

[#تصحيح_مفاهيم_الزواج](#)



٧- الزوجة معها حق

إمبارح لقيت أحد المشايخ هنا في العاشر باعتلي شاب في مشكلة ، الشاب لما جه حكى ليا مشكلته مع زوجته وأهلها وإنما تركت البيت من حوالي شهرين ونصف ومعها البنت ومش عارف يحل معاهم خالص
الشيخ اتدخل بواسطة أخو الزوجة واتصل بالشاب ده والشاب لقي إن دي فرصة إنه يرجع زوجته تاني

لما جه وقت القعدة الشيخ حصل عنده ظرف وأعطاه عنواني وقال له ييجي ليا لقيت الشاب بيقوللي: (القعدة دلوقتي)
قلته: (دلوقتي إزاي ؟)

قاللي: (بالله ياشيخ تيجي معايا يمكن الحل يكون على إيدك)
الحقيقة لما سمعت منه شوية تفاصيل حسيت إن دي مشكلة عاوزة تدخل فوري مينفعش تنتظر ، ومشيت فعلاً معاه
رحنا لبيت والد الزوجة اللي الزوجة قاعده فيه هي وبنتها ، اتفاجئت بوالدها رجل ملتحي والأم منتقبة والبيت ظاهر عليه الإلتزام
قعدت شوية كدا أسمع من الأطراف علشان العدد كان كبير (ناس من أهل الزوج ، وناس من أهل الزوجة ، لحد ما ترجمت التفاصيل)
سألت والدها: (هو بنتك غضبانة ليه يا حاج ؟)

الراجل قاللي: (أنا بنتي مش غضبانة ولا حاجة ، دي نزلت معايا وهما سمنة على عسل ، ولما كلمته أقول له إن زوجتك عندي زعل جداً إنها نزلت من غير إذنه ، طب ما أنا أبوها رحت أخذتها فين المشكلة؟)

قلته: (ياحاج ، هو بنتك دي ينفع تخرج بغير إذن زوجها من البيت ؟..إيه علاقة إن فيه مشكلة أو مفيش ؟ وبعدين ليه متعلمش بنتك تستأذن زوجها قبل الخروج ؟)

الحقيقة الراجل سكت خالص واتكلمت مع الزوجة نفسها اللي فهمت منها إنها متزوجة من قريب وبتدرس علم شرعي ، كلمتها بالشرع علشان تستوعب الجرم اللي عملته وهي كمان أقرت بغلطتها واعترفت بيها

العلاقات بين الطرفين باظت خالص ، باظت بعد ما كان الزوج بيقول عن حماه وحماته إنهم زي والده ووالدته

علاقة الزوج بإخوة الزوجة الذكور كانت فوق الممتازة ، فهمت ده من الروابط المادية فيما بينهم ، واللي اتفركشت كلها بعد غضب الزوجة وتركها بيته

المشكلة عند الزوج هي إن الزوجة تركت بيته فالأهل أقروا بغلطتهم ، بدأت أطلب من الزوجة تتكلم وتفهمني إيه المشاكل اللي بتوصلها تعمل ده

بدأت الزوجة تتكلم وفي كل تفصيلة ألاقي حد من الحضور قام يمسك في الطرف اللي قصاده 🤔

الحمد لله ، قمت وحكمت الموضوع وقتلتهم: (بقوللكوا إيه ، أنا لا أعرفكوا ولا أعرف الزوج ، الزوج دا من 1/2 ساعة بس دخلني في مشكلته ، ولما قاللي تعالى اركب معايا عربيتي رفضت وجيت بعربيتي ، عارفين ليه ؟) قالولي: (ليه ؟)

قلتلهم: (علشان لما أقول كلام ميعجبهوش ألاقي مواصلي معايا وأحكم بينكم من غير ضغوط 🤔)

طبعًا المجلس كله قعد يضحك والزوجة اطمئنت ليا ، والحمد لله مكنتش تعرف أنا مين وإلا مكنتش قعدت خالص 🙏

الزوجة اتكلمت وقالت: (الزوج جاف معاها جدًا في التعامل ، بدأت طريقة تعامله مع أهلها تتغير ، ببيضغط عليها في معاملته ببنته وبيحاسبها على كل شئ ممكن يحصل لها بالرغم من فرط حركة البنت وإنها لسه بتتعلم تربيها إزاي ، دايمًا حاططني في أزمات مادية وبتزنق باستمرار في شراء طلبات البيت ، كل ما أكلمه مش فاضي يرد عليا ، ابعثله واتس بيرد عليا بعد وقت طويل ، كل دي مؤشرات مخلياني أفهم إنه مش حاببني مع إني بحبه جدًا بس ليه يتعامل معايا كذا ؟..بحاول أطلب منه كثير

يخرجني ومفيش فايده ، لا عاوزه مصاريف زيادة ولا شئ أنا بس عاوزه اهتمام بيا زي ما بيهتم بالبنيت كدا ، دا كل ما البنيت تعمل حاجة يبهدلني بسببها ليه الضغط دا ؟) الزوج بدأ يتكلم فقلتلته: (بعد إذك متتكلمش ، أنا فهمت كل حاجة) حسيت ببعضهم بيقاطعني قلتلهم: (ياجماعة ، فيه واحد بيفهم النكتة قبل ما تتقال ، وواحد تاني بيفهمها بعد ٣ سنين ، أنا فهمت والله كل مشكلة بنتكوا) قلتلهم: (شوفوا....مشكلة بنتكوا مشكلة هافه جدًا بتحصل في كل بيت ، بنتكوا ربنا يحفظها عندها دين حتى لو غلطت فاعترافها بالغلط بيكبرها في نظرنا ، الزوج لازم يفهم مني الكلمتين دول 📌

1/مفيش حاجة اسمها زوجة بتتزل تشتري طلبات البيت ، البيت دا مسئوليتك إنت ، متخليش زوجتك تتعامل مع بقال ولا صيدلي ولا مكوجي وإنت موجود 2/موضوع مصروف البيت اللي إنت بتقول لازم يكون في إيدك [لإن الزوج اتكلم في ده] إنت فاهمه غلط ، الموضوع كله عبارة عن راتب خاص بيك ، عليك مسئولية التعامل فيه (تشتري منه احتياجات البيت وكل اللازم) بس مفيش مشكلة تكون سايب أي مبلغ ولو بسيط ٢٠٠ ج مثلاً لحدوث أي ظرف طارئ وإنت مش موجود ، والزوجة هتتصرف فيه بمعرفتك طبعاً

3/ليه متخرجش زوجتك ، هي طالبة تخرج معاك ، فين المشكلة ؟ (البنيت وهي بتتكلم قالت إنه حتى مش عاوز يخرجها ويروحوا المسجد ، يعني الموضوع مش موضوع فلوس ومصاريف)

4/طبعاً موضوع الإهتمام دا غالباً مشكلته إنكم لسه متزوجين من ٤ سنوات ، عادي تصبروا شوية لحد ما تتعلموا الحياة بتمشي إزاي

5/أكبر غلط في التربية إنكوا تتدخلوا في التصحيح لبعض قدام الأولاد ، مينفعش الطفل يعرف إن فيه طرف من الأطراف بيعمل غلطة في تربيته وإلا هتسقطوا نفسكوا من عين الطفل والطفل هيلجأ لطرف دون طرف وهتكون مشكلة

📌بعد ما قلت الكلمتين دول الزوج قاطعني وقاللي: (إهتمام إيه ياشيخ ، دي من يوم ما تزوجتها وأنا مديون وعليها ضغوط لا يعلم بها إلا الله)

قلته: (هو إنت فاهم إن الضغوط اللي عليك أكبر من الضغوط اللي كانت على سيدك النبي ﷺ ، مع الجهاد والدعوة وتعليم الناس ونشر دين كامل عامل وقت لأم المؤمنين عائشة قاعده فيه تحكيه قصة (أم زرع) لا كمان ومركز معاها ومديها إهتمام ، لو عندنا مشكلة نعالجها مش نقعد نبرر لنفسنا لإن خير الهدي هدي النبي ﷺ وبعدين يعني هي طالبه تخرجها كل يوم !

قاللي: (بس دي دايماً متوترة ياشيخ ، مضغوطة بسبب دخولها في مشكلات صديقاتها ومشكلات والدتها بتحكيهاها)

قلتها: (لو المشكلات اللي صديقاتك بيدخلوكي فيها بتعمل ضغط عليك وتأثر بسببها على فطرتك اوعي تسمعي مشكلة ولا تتدخل فيها) الزوجة قالتلي: (طب ينفع ياشيخ أروح البيت ألاقى الكالون متغير ؟ غير الكالون بعد ما مشيت)

قلتها: (ياأختي ، بعد ما تسيبي بيتك متكلميش مطلقاً في أي شئ فيه من أول الباب لحد أوضة النوم، انتي اللي مشيتي ، لو حاسه إنه بيتك مكنتيش خرجتي منه)
الزوج والزوجة فهموا الموضوع وكانوا مرتاحين للكلام جداً فلقيت الأهل من الطرفين بدأ كل واحد منهم يقف يصفى الحسابات مع الطرف اللي قصاده... قلتهم: (ياجماعة هو انتوا جايين مش مراجعين نيتكوا ؟..إحنا مينفعش ننظر لحظوظ أنفسنا مطلقاً ، كل همنا هو إصلاح البيت ده اللي غالباً الشيطان كل ما ندحره يرجع تاني وبوسوس لواحد منكوا ، أنا نفسي جاي ومستعد لأي حاجة في سبيل إن البيت يتم إصلاحه)
الحمد لله ، ربنا وفقني إن البنت رجعت لبيتها ، وكان لها طلب أخير عندي قالتلي: (لما يحصل مشكلة تاني نعمل إيه ؟)

قلتها: (اعملوا زي ما عملتوا دلوقتي ، دخلوا واحد يحل بالشرع في بيتكوا اللي هو بيتك وربنا سبحانه وتعالى نسبه ليكي في القرآن ، حد يبجي يقعد معاكوا تصطلحوا عليه ، متخرجيش من بيتك نهائي ، شايفه خروجك عمل مشكلة كبيرة بين كل الأطراف إزاي بعد ما كانوا بيعبوا بعض ؟)

الشرع جميل ياجماعة ، اتعلموه هترتاحوا وتهصلحوا بيوتكوا والله

[#تصحيح مفاهيم الزواج](#)

٨-الكلام اللي هناك مش ليكي

#الكلام_اللي_هناك_مش_ليكي🙄

👉شاب جميل جدًا ومحترم..[كان واضح ده في ثنايا كلامه عن زوجته]..وهو قاعد يحكي لي مشكلتها معاه تطرقت معاه لبعض تفاصيل حياتهم 👈
الشاب دا مشكلته غريبة جدًا... (زوجته بتتشك فيه بطريقة مش طبيعية..دائماً عندها إحساس إنه بيخونها..الهاجس دا وصلها لمرحلة مش عادية من المكالمات اليومية الأوفر والمراقبة الشديدة عليه)
المشاكل بينهم بقت توصل للضرب المتبادل بين الطرفين... (هو علشان زهق وجاب آخره..وهي كمان وصلت لمرحلة غريبة جدًا معاه)
حاولوا يدخلوا ناس كتير (خاصة من أهلها بعد ما اتصل عليهم) بس مفيش أي حل سألته: (زوجتك دي يا ابني تأمنها على بيتك وعيالك؟)
قاللي: (ياشيخ دي حد كويس جدًا..أنا معتقد إني مش ممكن ألاقى زيها)
سألته عن فترات جلوسه في البيت: (حكالي عن فترة سفره وإنه لسه مستقر في مصر من كام شهر..وشغله دلوقتي اللي ممكن بسببه يبيت برا البيت فيه)

#ساعتها_حطيت_أيدي_عالمشكلة🙄

قلت للشاب: (تعرف مع أول مشكلة بينكم تبعتلي؟)
قاللي: (مش عاوز أتعبك معانا ياشيخ)
قلتله: (لا عادي..إنت كدا كدا قريب مني ومش هسافر لك يعني ولا حاجة)
واللي جعل الشاب يتعجب جدًا إني أوصيته بزوجته خيرًا وطلبت منه ميعملش أي رد فعل لحد ما يحصل أول صدام 👉
وبعد أسبوع اتصل عليا....(ياشيخ تعرف تيجي دلوقتي؟)
على الفور كان عندي وقت فاضي رحلتهم مباشرة وقعدت معاهم في بيت الشاب وسمعت المشكلة
👈زي ما توقعت تمامًا..الأخت دي أخت محترمة جدًا...قلت للشاب مش عاوزك تعلق خالص وسيبها تقول اللي نفسها فيه علشان عاوز أفهم واثأكد من اللي في دماغي

قعدت تحكي مشكلاتهم من أول الزواج.. وإزاي كانت عايشه وحيدة من غيره لسنوات طوال الغربة

ولما جه واستقر في مصر بقى مشغول بشغله الجديد.. والوقت الفاضي عنده بيخرج فيه مع أصحابه لما بيرجع علشان يهرب من مشكلاتها

👉 الأخ بدأ يتكلم عن تطاولها عليه وإزاي وصلت للحالة دي معاه وقبل ما تتكلم وتدافع عن نفسها قتلته: (أنا شايف إن زوجتك دي بنت ناس وست طبيعية جداً... مقدرتش تتحمل غيابك ولا إنها تعيش من غير زوج.. والحالة دي لما بتحصل لصنف معين من النساء [المسلمات بجد] مبتقدرش فيه الست تعبر عن ده غير بحالة عصبية ونفسية وحالة هستيرية... وأعتقد شكها فيك سببه الضغط عليها إنها مش متخيلة إنك عايش عادي من غيرها لفترات طويلة وبُعدك عنها سبيلها كل الأذى النفسي والعاطفي ده) والدليل هتسمعه دلوقتي... (ياأختي.. انتي شايفه إنك غلطانه في اللي بتعمله مع زوجك)

كانت هتبكي وهي بتقوللي: (والله ياشيخ أنا عارفه حقوق الزوج كويس... بس مش عارفه أنا بجد بعمل كدا ليه.. دا أنا حتى بعذر له في كل مرة.. بحس إنني مش بطبيعتي خالص 😞)

هو ساعتها قاللي: (فعلاً ياشيخ إحقاقاً للحق هي بتيجي تعتذر... بس بعد إيه ياشيخ)



قلته: (إحنا عاوزين نعالج المشكلة وللا نلتف حوالينا من غير علاج؟)

الأتنين طلبوا مني تفسير للوضع ده

وساعتها بدأت أشرح أسباب المشكلة دي 👉

الست بطبيعتها كائن عقله ضعيف.. مبيعرفش ساعة الزعل يبين هو زعلان ليه... (وهو

في الخصام غير مبين).. ووقتها ومع سيطرة الشيطان عليها بيحصل منها ده

خلي بالك... (دا لو شئ في طبيعتها مكنتش اعتذرت ولا قعدت تراضيك أبداً)

إلتزام المسلمة بالقرار في البيت يقابله رجل يجلس معها أيضاً في البيت فترات

طويلة [مش راجل مغترب]... (دول مسلمات ميعرفوش يقضوا طاقة السكّن خارج حدود

أزواجهم)... فاهم !

👉 قالتلي: (طب ياشيخ هو مش بيقابل أهلي كويس لما ببيجوا يزوروني)

سألته عن السبب فقاللي: (أنا ياشيخ لما دخلتهم في مشكلتي مجابوليش حقي..وبعدين لما ببيجوا بيتي بقعد معاهم شوية وبعدين بسبيهم وأنزل لأصحابي لاني بصراحة مش حاببهم..أنا كدا غلطان؟)

قلتله: (مش شايف إن فيه علاقات بيننا وبين ناس بنعاملهم لذاتهم وناس تانيين بنعاملهم لغيرهم؟)

الأخ سكت خالص والهدوء عم المكان

قلتله: (زوجتك وابنك وأبوك وأمك بنعاملهم لذواتهم...علشان دي زوجتك ودا ابنك ودا أبوك ودي أمك....لكن فيه ناس تانيين بنعاملهم لغيرهم...زي أهل زوجتك وأصدقاء والدك ووالدتك وأصدقاء أولادك...لو الغير دا له رصيد عندك إيه المشكلة إنك تعامل اللي تبعه جبرًا لخاطره؟)

الأخ ابتسم وهي قعدت كدا في حالة ذهول مش مستوعبة الوضع 🤔

قلتله: (طبعًا انتي متعجبة دلوقتي وبتقولي بقي أحمد الأهواني اللي بيقول كده) 🌈
سكنت وملقتش رد

قلتله: (شوفي ياأختي....زوجك لما حكالي المشكلة عرفت مع التفاصيل اللي نقلها عنك إنك زوجة صالحة..عاوزه تعيشي مسلمة...قارة في بيتك لا تخرجين منه لغير ضرورة كما قال لي....تربين له أولاده تربية شرعية...لما يحصل بينكم مشكلة لازم نتعب ونفهم سبب المشكلة علشان نحل ليكي ولزوجك مشكلتكم....ببساطة لإنك تستحقي ده....غيرك بقي من النواشز اللي بتشوفيني شديد عليهم وينصح الرجالة يلحقوا أنفسهم من التدبيسة معاهم مهما كانت الخسائر مش زيكي ياأختي..دول مش عاوزين يعيشوا مسلمات...اختاروا شريعة تانية تتحكم في تصرفاتهم وأفعالهم ومنهج غير منهج الله لإدارة حياتهم...انت معقدة إنك زيهم وللا عاوزه تعيشي مسلمة؟)

قالتلي: (لا أعوذ بالله..عاوزه أعيش مسلمة)

قلتله: (يبقى لازم تفهمي إن الشيطان مس هيسيبك تعيشي مسلمة...هيقعد يدخل ليكي من كل المداخل علشان يدمر بيتك المسلم اللي بتعمله..ويخرب عليك مشروع الأبناء

المسلمين اللي ناويه تربيههم للأمة...ودورنا كدعاة ننبهك انتي وزوجك لخطوات الشيطان
لو مش واخدين بالكم منها)

الشيطان دخل معاكي بسبب ترك الزوج ليكي لوحداك في غربة (واستقرد بيكي) وبدأ
يوسع الثغرات شيئاً فشيئاً..لحد ما وصلت لوضع دلوقتي إنك بتشكي في زوج صالح
زي ده إنه بيخون ربنا ويعرف نسوان....هل معاكي دليل؟

قلتلي: (أبدأ...والله ما معايا أي دليل)

طب شايفه إنه ممكن يعمل كده؟

قلتلي: (لا والله..دا عنده دين)

قلتله: (إذن....ثغرة الغربة اللي عملها زوجك...قابلها عندك عامل نفسي وثغرات
الشيطان لعب عليها معاكي وسيطر عليك بالكامل..لازم تفهمي إنك تحت زوجك
مينفعلش مسلمة تتعالى على زوجها مهما حصل...وهنعتبر اللي حصل دا زلة
ومعرفتوش اللي يفهمهاالكوا...ولازم تشغلي نفسك بشئ نافع علشان الشيطان ميدخلش
لحياتكوا تاني)

ونصحتها تروح دور تحفيظ القرآن وتشغل نفسها بالحفظ وتعلم العلم اللي هينفعها في
تربية عيالها وحسن التبعل لزوجها

👉 الأخ كان سعيد جداً بالموضوع..والأخت لأول مرة تحط إيديها على سبب المشكلة

[#تصيحتي_ليكم_ياإخوة](#)

👉 لو ربنا رزقك بزوجة صالحة مسلمة اوعى تسيبها للشيطان وتسافر وتتغرب... (المال
عمره ما هيعوضك عن راحة البال معاها)

لو الشيطان سيطر عليها في غريبتك..(إنت المسئول الأول)

تدّين النساء مهما كان فهو تدين ضعيف..(الشيطان بيسيطر عليهم بأسرع مما تتخيل)

كل الفرق بس إن الزوجة الصالحة ممكن يقلب معاها لمرض نفسي..والزوجة غير
الصالحة ممكن بكل سهولة تستعيز عنك بغيرك وإنت مش حاسس 😞

[#فبلاش_تفتنوهم](#)

[#تصحيح_مفاهيم_الزواج](#)

٩- والدته مش هتنتقل

جميل أوي إننا نلاقي مقدار من التفاهات بين الزوجة وحماتها وساعتها بنلاقي بعض الرجال فرحانين بالعلاقة دي وناسيين إحتياجات زوجاتهم الفطرية

في الرسالة دي أخت بتسأل عن حاجتها لزوجها اللي بيغيب عنهم فترات طويلة وبيشوفه كام يوم كل فترة.. هي برضا نفس بتخدم والدته.. (مبتشكيش من ده) شكواها إنها لو طلبت من زوجها ينقلهم لمحل عمله فأكيد مش هيعرف لإن أمه مش هترضى تنتقل معاه... (غالبًا علشان أمرين) 📌

1/ إن الستات الكبار بيحبوا يعيشوا في البيت اللي كان فيه أزواجهم
2/ إنها تقعد جنب بنتها اللي ساكنه قريب منها وبتشوفها كل شويه.. (غالبًا بنتها زي ما بنشوف بتعيش مع زوجها عادي)

[#واخدين بالكم من خراب عقول الحموات؟ 🤔](#)

📌 قاعده في بلدها وشايفه بنتها (كل يوم في حضن زوجها) لكن زوجة الإبن ملهاش الحق ده

لو زوجة الإبن دلوقتي طلبت تعيش مع زوجها (ومعندهاش مانع تاخذ حماتها معاه) حماتها هتعارض

ولو الإبن أنقذ زوجته من الفتنة في جلوسها لوحدها لفترات هي في حاجة له... (ودا الطبيعي على فكرة... اللي بنشوفه غير كدا هو الشاذ عن الطبيعة البشرية) .. الأم هتقول عن الواد دا مركوب وهتهدهه بسلاح الغضب عليه لحد ما تموت

📌 لو طلبنا من الزوج يضغط على أمه علشان تنتقل معاه وزوجته وعياله يعيشوا في حضنه ممكن الأم تعترض لسببين 📌

1/ زوجة الإبن دي في غالب البيوت (خاصة في الريف) المفترض إنها خدامة مش زوجة... (وهي دي النظرة الفعلية اللي بتتعامل بيها)

لو طلبت طلبها الفطري إنها تعيش جنب زوجها الكل بيعترض....(بس بنت الست دي ممكن تطلب دا عادي)

2/حاجة الأم للعزوة حواليتها (تعيش جنب بنتها وتشوف الناس حواليتها) ممكن تفوق كل شئ

👉أنا عاوز الحموات يتقوا الله...وعاوز الرجالة يعيشوا رجالة..وعاوز الزوجات يتحملوا قلة الدين اللي بقت منتشرة في مجتمعنا علشان المركب متغرقش

وعاوز الأخت تلح في طلبها على زوجها يشوف مكان شغل قريب منهم أو يضغط على والدته تنتقل معاهم لمكان تاني وتحكي لزوجها وتقوله: (لو فُتنت في يوم من الأيام هقف قدام ربنا يوم القيامة واشتكيك ومش هسيبك)....ومتتكسفيش تقولي كده...الكسوف الحقيقي قدام ربنا لو وقعتي في الحرام وبقي مصيرك النار 🔥


[#تصحيح مفاهيم الزواج](#)



١٠- دلدول في عنيهم

-وعاوز تنقل وتاخذ المحروسة معاك من بيت العيلة ليه يا حبة عين أمك 😊
=والله ياما ساعات كدا بشتاقلها وبلاقي نفسي لوحدي..فقلت آخذها معايا مكان شغلي
-اممم..وهي طبعاً اللي قررت ودبرت ورسمتك الخطة؟🤖
=لا بصراحة ياما..إحنا الاتنين فكرنا مع بعض
-ليه ياولدي مصمم تعيش مركوب ماشي ورا بنت الزعبلوي؟
=لا والله ياما مش مركوب ولا حاجة..انتي متعرفيش حاجة..وبعدين يعني المسألة فيها
تبادل أدوار 🔄
-وتسيب أمك لمين ياواد يادلدول؟
=هسيبك لأبويا ياما..بصراحة حاسس إننا عاملين زي العزول وسطيكوا كدا..وكدا كدا
أنا سايبك أصلاً طول الشهر في شغلي
-مَرَّتْكَ مش قادره على بعادك ياواد؟
=مش عيب أبداً ياما..فاكره ياما لما أبويا كان يبات معاكي كل ليلة وتقومي توزعينا
على دار عمي علشان اللي بالي بالك 🏠
-بس ياواد...اختشي
=فاكره ياما لما أبويا كان هيسافر العراق وقال إنه مش هيسيبك لوحذك..أنا فهمت
دلوقتي كل حاجة ياعفرته
-بس ياواد اختشي..يادلدول يامعفن
=عيب ياما...متغلطيش في أبويا..يعني أبويا كان دلدول علشان مرضيش يسيبك
لوحذك؟
(كدا كدا هتعيش في نظرها دلدول زي ما جدتك قالت قبلها عن أبوك...فخليك دلدول
بأقل خسارة في دينك)🙏

[#تصحيح مفاهيم الزواج](#)



١١- قاعدة ظروف البلد

تزوج وسافر تاركاً زوجته... وكان ينزل ليراها شهراً من كل عام وبعد سنوات من الغربة يتساءل: (هو إيه سر الجفاء اللي بتعاملني بيه هي والأولاد ده؟)

ترك لها مسئولية تربية الأبناء (وهي امرأة ضعيفة لم يخلقها الله لتتحمل أي أمر خارج حدود المنزل) ثم تعودت على فقده واعتادت العيش بمفردها.. بل لم يتعود أحد من أولاده على سيطرة الأب


الذكور منهم ربتهم الأم (فلم يشموا رائحة الرجولة في غياب والدهم المربي) والإناث (ترسخت في عقولهن أن الكلمة الأولى والأخيرة والقرار بيد الوالدة... فأتعبن أزواجهن بعد الزواج)

تخليص الأوراق... والتعامل مع المدرسين.. والكهربائي.. والسباك.... و.. و.... (كان منوطاً بالزوجة طوال غربتك)

ثم تسأل: (هي زوجتي اتغيرت ليه؟) هي لو لقت راجل يقدر يربي عياله في حضنه وميخترش الفلوس على سلامة فطرة زوجته مكننش اتغيرت

[#خلوا الفلوس_تعوضكوا](#)

[#تصحيح مفاهيم_الزواج](#)



١٢- زوج ATM

تزوج وسافر تاركًا زوجته... وكان ينزل ليراها شهرًا من كل عام وبعد سنوات من الغربة يتساءل: (هو إيه سر الجفاء اللي بتعاملني بيه هي والأولاد ده؟)

ترك لها مسئولية تربية الأبناء (وهي امرأة ضعيفة لم يخلقها الله لتتحمل أي أمر خارج حدود المنزل) ثم تعودت على فقده واعتادت العيش بمفردها.. بل لم يتعود أحد من أولاده على سيطرة الأب


الذكور منهم ربتهم الأم (فلم يشموا رائحة الرجولة في غياب والدهم المربي) والإناث (ترسخت في عقولهن أن الكلمة الأولى والأخيرة والقرار بيد الوالدة... فأتعن أزواجهن بعد الزواج)

تخليص الأوراق... والتعامل مع المدرسين.. والكهربائي.. والسباك.... و.. و.... (كان منوطًا بالزوجة طوال غربتك)

ثم تسأل: (هي زوجتي اتغيرت ليه؟) هي لو لقت راجل يقدر يربي عياله في حضنه وميخترش الفلوس على سلامة فطرة زوجته مكننش اتغيرت

[#خلوا_الفلوس_تعوضكوا](#)

[#تصحيح_مفاهيم_الزواج](#)



١٣-اطلعي من حياتهم ياحاجة

مجهول : منذ 8 ساعات

1ياريت الرد ضروري يا شيخ زوجة ابني مابتفهمش في الأصول انا مابطلبش منها زي باقي الحموات تنزل من اول اليوم لآخره وتعملي كل حاجة بس كنت مستنية انها حتى تساعد بناتي باللي تقدر عليه في خدمتي عشان هما متزوجات ووراهم بيوت بس هيه قالت لا انا كفاية عليا شغل بيتي طب لما تخلي شغل بيتك انزلي اقعد معايا ونسيني وماتعمليش حاجة لا انا بحب اقعد مع نفسي تخيل انها بتقولي كده حتى مش بتتجج لا بتقولها صريحة كده لو ماكلمتهاش مستحيل ترن عليا بتنزل ساعة واحدة في الأسبوع مستحيل تشيل قشاية من مكانها هكمل في رسالة اخرى

أظهار حذف

مجهول : منذ 8 ساعات

2حتى والله الكلام بتستخسر الساعه اللي بتقعدنا زي الكرسي اللي قاعده عليه مستحيل تنطق الا لو حد سألها على حاجة ترد على قد السؤال بالظبط لو وجهتها في تربية الاولاد او في حاجة في شغل البيت تقولي انا حرة ولازم ترد عليا ماعندهاش ادب احفاي ماينفعش ينزلوا غير لما يخلصوا مذاكرة كأنهم في ثانوية ويشهد عليا ربنا اني من اول الخطوبة بحاول اقربلهاوهيه تلاجة هيه مش ست بيت شاطرة بس بت دلوعة اوي وبتهم بنفسها جدا عشان كده واكله دماغ ابني ودايما في صفها ياريت يا شيخ تقولي هل يصح تعمل كده في واحده زي امها اعمل اي

أظهار حذف

دي رسالة من أم بتشتكي من زوجة ابنها ، الرسالة فيها كذا جزئية عاوزين نركز عليهم وأرجو إن الحاجة متزعلش

١/الإستحقاقية الموجودة عن كثير من الحموات (مبطلبش منها زي باقي الحموات تنزل من أول اليوم لآخره وتعملي كل حاجة)

شعور عجيب بتملك الحموات لزوجة بنتهم وإنها مطالبة بالنزول [كفرض عين عليها]...والحماة الجميلة بقى هي اللي هتحدد أوقات بسيطة مش زي الوحشين اللي بينزلوهم طوال اليوم عشان يحسوا بالملكية الخاصة للبنت اللي ابنهم تزوجها

الشرع بيطالب الزوجة بالقرار في بيت الزوج (وبس) مش بيطالب الزوجات يقعدوا
يتنططوا في البيوت ويختلطوا بمحارم الزوج ويحصل اختلاط مشين في غالب الحالات
(خاصة لو كان للزوج إخوة ذكور في نفس البيت)

فالنزول يأمي مش فرض عليها ولا هو معيار للأصول على فكرة..(ممكن تكون زوجة
بتحب تقرر في بيتها مش بتاعة تنطيط)

٢/(كنت مستتية منها تساعد بناتي باللي تقدر عليه علشان هما متزوجات ووراهم
بيوت)

خدوها قاعده كدا...[عُمر الحماة ما هتعامل بنتها زي زوجة ابنه]
لما بنتها بتتزوج بتشجع زوجها يستقل ببنتها عن حماتها..لكن ابنها يتزوج معاها عادي
ولو عمل غير كدا يبقى مغضوب عليه

حَمَل بنتها صعب جدًا ، لكن مرات ابنها ما شاء الله بتمسح السلام قبل الولادة بيوم
علشان الضيوف اللي هيباركوا

بنتها ياعيني عندها بيت وعيلة ومسئوليات لكن زوجة ابنها مفيش وراها حاجة (صايعه)
هو بصراحة مستفز جدًا اللي بنسمعه في المشكلات وبنلاقيه متكرر جدًا بالصورة
دي..(بناتك وراهم بيوت وزوجة ابنك وراها فراغ؟ 😞)

٣/(انزلي اقعدى معايا ونسيني)
تتسيكي إيه يا حاجة ؟ ، ما يمكن البنت مش مرتاحة معاكي ما هو الأرواح جنود

مُجندة ، هي البنت المفروض تتزوج فتجهد علشان تتلائم مع كل أفراد العيلة ؟
ما يمكن مش مرتاحة مع واحدة من بناتك ؟(الملايكة دول اللي بيعاملوها أحسن معاملة
أنا عارف)

مش يمكن بتحس بتفرقة بين معاملتك معاها ومعاملتهم ؟
عاوزه تقنعيني إن مفيش ولا كلمة من اللي في الرسالة دي وصلت لزوجة ابنك ياست
الكل ؟

طب راجعي المواقف كده بالله عليك وشوفي التجمع العائلي دا وراه إيه
دا بناتك أنفسهم ممكن يشدوا شعور بعض في نقاش ، لما تدخل وسطهم بنت غريبة
هيسلكوا لها ؟..إزاي بس يا شخيرة !

4/ (بتقعد زي الكرسي ومستحيل تتطق)

والله متأكد لو نطقت هتخوروا الكلام وتطينوا عيشة ابنكوا ، يا حاجة أنا أزعم إن زوجك نفسه كان علشان يتناقش معاكي في أول ١٠ سنين زواج كانت تدب بينكوا خناقة (تقصد إيه وإنت عاوز تقل مني) لحد ما فهمتوا بعض عاوزه زوجة ابنك مع كل التجمع ده تتطق وكل واحدة منكوا تاخذ كلمتها بفهمها الخاص أنا رأيي متناقش خالص غير لما تفهمكوا بعد ٢٠ سنة كدا

5/ (لو وجهتها في تربية الأولاد)

أبوس إيد كل ست مصرية بلاش تعملي خبيرة تربية أسرية قدام زوجة ابنك ، ابنك نفسه ضهره كله خبطات بخرطوم الغسالة والورم لسه معلم في وشه من شبشب حضرتك ، دا لو ملقاش جيران ينقذوه منك وقت الزهق كان زمانه في عداد الأموات يأمي الجيل غير الجيل والزمن غير الزمن ، لو عاوزه توجهي حد يكون ابنك مش زوجته ، ابنك هو المكلف الأول بالأولاد يا حاجة

6/ (العيال مينفعش ينزلوا غير لما يخلصوا مذاكرة)

يا حاجة العيال لو نزلوا بدري بتشخطي فيها من شباك المطبخ وتقول: (هي أمكوا عاوزه تنام وسايباكوا تقرفوني) ولو هينزلوا كمان شوية علشان عندهم حاجة يبقى المجرمة حايشاهم وحرمانى من أحفادي ؟

يأمي خليكى منصفة العمر مبقاش فيه أد اللي راح

7/ (هي مش ست بيت شاطرة)

أكيد طبعًا ، عمرك ما هتشوفها شاطرة بالمقارنة بحضرتك اللي كنتي بتتشقلى عالحيط وبتخدمى المحافظة كلها وعزوماتك في العصر الحديث معملهاش غير الشيف بورك ، ياست الكل دي مش بتاعتك (شاطرة ومعفنة لزوجها مش ليكي) اطلعي منها يا حاجة الله يكرمك

8/ (بت دلوعة أوي وبتهتم بنفسها علشان كدا واكله دماغ ابني)

أنا متأكد إنك هتجيبى البت دي الأرض ، ربنا يحفظها من عينيكى ☹️

هي الست مطلوب منها إيه ؟..يا بخت ابنك بيها والله

وفيهما إيه لما تاكل دماغه بالسحر الحلال يعني

ولو قارفاه وببشتكي منها مش هيعجب برضو

سبحان الله ، ما تسيبي البت في حالها 🙏

السؤال: (هل يصح تعمل كدا في واحدة زي أمها ؟)

هي عملت إيه يا حاجة؟ 🤔

اطلعي من حياة ابنك وزوجته بالله عليك خليها تكمل على خير

[#تصحيح مفاهيم الزواج](#)

14/الزوج الودني

مجهول : منذ 4 ساعات

و قالت ان الثانية احق انها تفضل على
ذمتي من عدة نواحي
اولها طبعاً الولاد من الثانية
تاني حاجة الاولى يتيمة بس عندها
شقة اهلها تقدر تفتحها وتقعد فيها
انما الثانية اهلها ذات نفوذ و ممكن
يعملولي مشاكل

التانية داخل الشقة جاهزة بس اهلها
عشان يضمنوا حقها خلوني كتبت اقبال
بمبلغ 500 الف بديل للقائمة ف انا
بصراحة مختار جدا وفي نفس الوقت مش
قادر اخليهم على ذمتي الاتنين و كمان
خايف اظلم الاولى عشان كويسة معايا
او الثانية عشان الولاد

حذف اظهر

مجهول : منذ 4 ساعات

مكنش عندي القدرة اشتري شقة اخرى و
بعد سنة ونصف من جوازتي الثانية دي
مراتي خلفت توأم و اصبحت هي الزوجة
المحبة لأهلي و عشان كذا دايم لما
بنزور اهلي شافين ان هي اللي لازم
تقعد و الاولى تساعد في البيت عشان
مفيش وراها حاجة و هي الشهادة لله
مش بتقول حاجة بس انا الفترة دي
متعسر جدا و مش قادر اشيل مصاريف
الاتنين مع مصاريف الولاد مع مصروف
البيت الوضع بالنسبة ليا معب ووالدتي
كلمتني اني لازم اسبب على ذمتي
واحدة من الاتنين عشان الحمل يخف و
اقتربت انه اطلق الاولى عشان مفيش
بيننا اولاد

حذف اظهر

مجهول : منذ 4 ساعات

السلام عليكم يا شيخ في البداية حاب
اقولك اني متابع كلامك ع الصفحة و ع
الجروب الخاص حاسب قبل ما تناسب و
في اغلب حياتي بتبع الخطوات بتاعت
حضرتك بس انا حاب استفسر من حضرتك
على موضوع مختلف
انا يا شيخ متزوج من 10 سنين و بعد 4
سنين من الزواج و محصلش خلفه كلمت
زوجتي اني محتاج اتجوز عشان اخلف و
مكنش عندها اي اعتراض بالرغم من انها
في باقي الامور الزوجية تمام جدا سواء
نضافة البيت او نضافة شخصية وغيرها
من الامور المهم اتجوزت واحدة تانية من
5 سنين و عايشة معانا في نفس البيت
عشان مكنش عندي القدرة اشتري

حذف اظهر

الرسالة دي عصبتني جداً ، عمري ما اتعصبت في حياتي بالشكل ده 🤔

يا أخي بجد ربنا يهدي أمك ، لو كان الطلاق من دماغك يمكن كنت اتعاطفت معاك

، لسه في حد بيفكر كده؟..الله يكون في عون زوجتك الأولى ، أنا بجد مشفق عليها

👉الطلاق دا أمر مباح ، ولكن بالشكل ده وبالعلل دي ؟

👈شئ سئ جدًا إننا نلاقي راجل (وِدَنِي) عيب بجد والله ومش حلو في حق الرجالة رأيي تطلق المسكينة دي يمكن تلاقي نصيبها اللي تستحقه مع غيرك وربنا يصبرها على تفكيرك ده

👉الحق ياابني صلح عقيدتك في الرزق لحسن إنت بالشكل دا هتقابل ريك بخل كبير

[#تصحيح مفاهيم الزواج](#)

١٥- جعل الله للزوجة مخرجاً

👉انتدبني إمبراح أحد الإخوة في جلسة تحكيم طلاق ، كان موجود اتنين من المشايخ

الأفاضل في الجلسة..(قاضي عرفي وشيخ أزهرى)

اتفقنا إننا نعمل اللي نقدر عليه علشان الصلح يتم

وبعد ما الزوج حضر هو وبعض أهله سألناه عن نيته في الموضوع وهل إنت جاي

تصلح فعلاً ، فقال من تحت الضرس كدا: (إن شاء الله 😊)

طلبنا الزوجة تحضر ولما حضرت قالت إنه بيكرهها في عيشتها علشان هي اللي

تطلب الطلاق ، وبيعاملها اسوأ معاملة ، وقالت إنه بيغيب في شغله طوال الشهر

وبيجي أسبوع واحد ويس بيقل على نفسه أوضته وبيطلب منها تنام مع الأطفال

ساعتها أنا اتجننت ، سألته: (بتعمل كدا ليه ؟)

قاللي: (هجر في المضاجع ياشيبيبيخ)

قلتله: (هو هجر المضاجع بيكون بفصل الغرف ؟دي بتكون معاك في سرير واحد

ياابني..[في] المضاجع ، ثم إيه سبب الهجر ؟)

الزوج قال: (تخلوا لما حد يصحيك من النوم فتقوم مفزوع ومن فزعتك تخبط في

الحيطة ورجلك تنكسر)

الناس اللي كانوا قاعدين سكتوا (كانوا مؤدبين زيادة عن اللزوم 😊بس أنا قلتله: (هي

لما بتصحيك بتعزك بإيه ؟)

اتفاجئ وسكت خالص

قلته: (لأ بجد ، هي بتصحيك إزاي ؟ مكبر صوت مثلاً وللا عمود خشب وللا شومة وللا إيه ؟)

الزوج سكت خالص وأهله قعدوا مكسوفين من اللي قاله
[قبيح جداً إنك تلاقي الكذب طالع من رجل]

← قعدنا مع الزوجة إحنا الثلاثة في حضور أحد محارمها حوالي 1/2 ساعة ، وربنا وفقنا
نقنعها بالرجوع علشان عيالها وعلى أمل إننا نقدر نصلح أي شئ في الزوج على سبيل
التجربة

(الزوجة كانت مطرودة من البيت بعد ضرب مبرح لها من زوجها بسبب كلام بيسمعه
عنها عرفنا مصدره بعدين)

الزوجة بالفعل اقتنعت ترجع بشروط وعدناها بيها وساعتها طلبنا خروج المحرم ودخول
الزوج

الزوج جه وقعدنا نتكلم معاه لقيناه متعنت بصورة عجيبة... (واحد عاوز يطلق بس
عاوز الكلمة تطلع منها)

قلت في نفسي لو البنت دي فيها خير ربنا هيجعل لها مخرج

الزوج اتكلم وقال: (الزوجة دي بتطلع حاجات من بيتي وأنا مش موجود ، شوفوها
بتطلع إيه ؟)

سألناها فاستغربت جداً وقالته حاجات إيه ؟

قالها: (الشنط اللي بتطلع وأنا مش موجود لإخواتك دي إيه ، مش دا مصروف البيت
اللي مبيكفيش ؟)

قلته: (مين اللي قالك الحوار ده ؟)

قاللي: (اللي قال قال ياشيخ بقى)

قلتها: (طب ردي عليه)

قالت: (إخواتي بيطلبوا مني أشتري لهم لبن كل فترة من البلد ، وعلشان إحنا في الريف
اللبن والسعر كويسين لهم في المدينة وبيبعوا ليا فلوسهم ، إيه الغلط في ده ؟)

الزوج قاعد ساكت مبيردش

#واخدين بالكوا 🤔

- ١- أهل الزوجة الطيبين لما بيخلصوا بينهم وبين ربنا الكل بيقف معاهم ، استسلموا للشرع يا جماعة وكفاية تجارة ببناتكم في المحاكم
- ٢- الزوجة اللي استسلمت لأحكام الله ورسوله ورفضت تلجأ للقانون الوضعي ربنا سبحانه وتعالى بيدبر لها أمورها ويكرمها
- ٣- قاضي عرفي واحد ماشي بشرع الله غير صورة القضاة العرفيين اللي بنشوفهم وينصطدم بيهم ليل ونهار علشان يراضي ده ويراضي ده على حساب دينه
- الراجل من البداية قال: (يا جماعة أنا مش هتكلم بشئ يكون على خلاف الدين والشرع يعرضني لعذاب الله علشان أي حد)
- ٤- شايفين إزاي أم الزوج اللي تنقل الكلام بتكون سبب في خراب البيت لما بتقابل شخصية زوج ضعيف الشخصية ميقدرش يفرق بين بر الأم مع حق الزوجة ؟

#يارب_الأمة_تفوق

#تصحيح_مفاهيم_الزواج

تمت بحمد الله

مع تحية

موسوعة اعرف دينك للعلوم الشرعية

